

سنه لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ۴۰ پاره در

# تاریخچه محاکمه سی

آبونه اولق ایستینلر دائره عدلیه ده  
اداره مخصوصه سنه مراجعت  
ایتملدر

اعلاناک بهرندن بر مجیدیه اخذ  
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

## توضیحات

بصره ولایتی مرکز بدایت محکمه سی مدعی عمومی  
معاونلکی منتفک سنجانی بدایت محکمه سی مدعی عمومی  
معاونی قونلو مصطفی نوری افندی به  
منتفک سنجانی بدایت محکمه سی مدعی عمومی  
معاونلکی مکتب حقوق شاهانه ک اعلى درجه ده  
مأذونلرندن عبده انور افندی به تفویض بیورلمش  
ومومی الیه مادن مصطفی نوری افندی ذاتاً مخلف  
اولدینی کی عبده انور افدینک دخی اصول مقررده  
وجهله بوکره امر تحلیفی اجرا قلمشدر .

## تبلیغات

بیک اوچوز سنه سندن اول محکوم اولوبده هنوز  
تحصیل قلمیان مصارف محاکمه بقایا سنه بیک ایکی یوز طقسان  
طقوز سنه سی غایه سنه دکن افراد ذمتده کی مطلوبات  
خزیننه نک عفونیه دأر بولنان اراده مر حتمه عاده حضرت  
خلافتناهنک شمولی اولوب اولدینی و برده مصارف  
محاکمه مادیونلرینک بقدرت اولدقلرینه دأر ابراز  
ایلدکلری علم و خبرلر اوزرینه امر تحصیلی سعه حالرینه  
تعلیق اولنالرک محکومیتلری تاریخندن اعتباراً اون بش  
سنه مرور ایتش اولدینی حالده مرور زمان خصوصنده  
اصل محکومیتلری تاریخی می یوقسه مرور زمانی قاطع  
اولان علم و خبرلرک تاریخی می مبدأ اعتبار اولنه جنی  
حقنده ادرنه استیناف محکمه سی مدعی عمومی لکنندن  
وقوعبولان اشعاره ، اعلانات جزائیله محکوم اولوب  
هنوز تحصیل ایدلدیکی بیان اولنان مصارف محاکمه  
بقایا سی بیک اوچوز تاریخندن مقدم حکم اولنان حقوق  
امیریه دن معدود اوله رق با امر وفرمان هایون جناب  
پادشاهی شرفواقع اولان عفوعالیده داخل اولدینی کی  
حکم تاریخندن اعتباراً اون بش سنه مرور ایتش اولدینی  
حالده تحصیل ایدلماش اولسنه و اصول محاکمات  
جزائیله قانوننک درت یوزسکسان التنجی ماده سنده  
(جنایت وجنحه و قباحندن طولانی حقوق شخصیه

جهتجه وقوعبولمش حکملر لایتغیر حالته کیدکلری  
تاریخندن اعتباراً اون بش سنه صکره ساقط اولور) دیو  
محرر بولمنسه نظراً سالف الذکر مصارف محاکمه  
ایچون فقر حال علم و خبرلرینک تاریخنه اعتبار اولنیوب  
ماده قانونیه حکمنجه اعلام تاریخنک مرور زمانه  
مبدأ اتخاذ اولنق لازم کله جکی جوابی انجمن عدلیه  
افاده سیله مذکور مدعی عمومی لکه اعطا قلمشدر .

## محاکمه مقبره لک

احمد افندی به جهت کفالتدن دینی بولنان مبالغی  
انکار و حقوق محکمه سنده یلان ره یمین ایتمه ک اجنصار  
ایلدیکی ادعاسیله مظنون علیه اولان حسین یازیچینک  
الهی ماه مدته حبسنه دأر محکمه عأده سندن و یریلان  
اعلام اوزرینه دعوای مزبورده سینوب سنجانی بدایت  
محکمه سی جزا دأرده سنجه استینافاً بالرؤیه اعلام  
مذکورک فسخیله مرقوم حسین یازیچینک برائتیه دأر  
و یریلان اعلامک تمیزی حقنده مومی الیه احمد افندی  
طرفندن مؤخرأ اعطا و محلی مدعی عمومی لکنندن  
اسرا قلنان عر ضحال ایله اوراق متفرعه سی محکمه  
تمیز استدعا دأرده سنجه لدی التدقیق مستدعینک  
شرائط تمیزی به نی تمامیه ایفا ایتدیکی وشو صورتله اصول  
محاکمات جزائیله قانوننک اوچوز یکرمی بش و اوچوز  
یکرمی التنجی ماده لری احکامنک اجراسز قالدینی  
تحقق ایتمه کله عر ضحال مذکورک ردینه دأرده مشارالیهاجه  
قرار و یرلمشدر .

مغنیسا سنجانی تجارت محکمه سی رئیس  
عزتلو محمود بک تهدید آمیز ورقه ایله اچقه  
اعطاسنه اجبار ایدلدیکی ادعا قلمسندن طولانی  
جنایتله اتهام اولنان دعوی و کیلی حسن فهمی  
افندی ایله مانول واستراطی و ایراقلینک

برائتلی حقنده آیدین ولایتی استیناف محکمه سی  
جزا دأرده سندن و یریلان اعلامک نظارت  
جلیله عدلیه نک یوز التمش اوچ نومرولی  
امر تحریری قانونیسی موجبجه نقضنه دأر  
محکمه تمیز جزا دأرده سندن اعطا قلنان ۱۶  
شباط ۳۱۷ تاریخلی اعلامدر :

باش مدعی عمومی لک مأموریت بهیه سندن مع  
اوراق متفرعه محکمه تمیز جزا دأرده سنه کوندریلان  
۲۴ کانون ثانی ۳۱۷ تاریخلی ودرت بیک طقوز یوز  
یتش سکر نومرولی تبلیغنامه قرائت اولندی .

مذکور تبلیغنامه مندرجانی مغنیسا تجارت  
محکمه سی رئیس عزتلو محمود بک تهدید آمیز ورقه  
ایله اچقه اعطاسنه اجبار ایدلدیکی ادعا اولمنسندن  
طولانی مهم بولنان دعوی و کیلی حسن فهمی افندی  
ایله استراطی و مانول و ایراقلینک برائتینه دأر  
نقل دعوی صورتیه آیدین ولایتی استیناف محکمه سی  
جزا دأرده سندن و یریلوب محکمه مذکور مدعی  
عمومی لکنک ۱۳ تشرین ثانی ۳۱۷ تاریخلی تحریراتیله  
وارد اولان اعلام ایله متفرعاتنک مرقوموندن  
استراطی به عأده قسمی حقوق عمومیه نامنه تمیز  
ایدلمش اولغله برابر تدقیقات و محاکمه نک و نتایج  
حاصله ایله اسباب مستنده سنک یکدیگرینه ارتباطی  
حسیله کافه اقسامی تدقیق اولندقد مدعی عمومی  
جریان محاکماتدن متحصل حالاتنک قوت و ماهیتی  
اعتباریه مهملرک ذات دعوان برائت و یاخود ثبوت  
تهملرینه قرار اعطاسنی محکمه دن اسباب موجب  
قانونیه سیله صورت قطعیه ده طابه مأمور و فعلک تعیین  
ماهیتنده تردد ظهوری و یاخود احوال موجوده نک  
تقدیرینک قناعت محکمه به احواله سی کی افادات وقوعی  
مدعی عمومی لک سلکنک تأسیسنده کی غایه به منافی  
اولوب افترا دعوالرینک مسموعیتی دخی مفتری  
علینک بالحاکمه ثبوت برائتیه برابر مفتری دینیلان  
شخص علینه دعوی اقامه ایتش و بوکی مواد جنائیله  
ایسه کیفیتنک بامضبطه اتهامیه او یولده محکمه به سوق







ایدن اقسرا یدہ قوغہ جی محلہ سنده ساکن زغفرانبولیلی  
مصطفی بن محمدک اوچ آی حبسنه وبرلیرا جزای تقدی  
اخذیلہ طولاندیرمش اولدیجی قرق درت غروشک  
آیرنجہ تحصیلنه

غلطه ده ساکنه مارینک جاملرینی شکست ایدن  
توتونجی محمدعلی بن حاجی علی وقهوه جی اسماعیل بن  
علیدن اونر بشلک جزای تقدی اخذیلہ بشر کون  
حبسلرینه

یانی وپولنه نک خانه سنه بالدخول اشیلرینی سرقت  
ایتمسندن طولانی مظنون بولنان طاطاوله لی پانده لی  
ولدیانیکنک اون آی حبسنه ودائرہ امانتده محفوظ بولنان  
اشیانک ده صاحب لرینه اعاده وتسلیمنه

شوکت بکک قره جه سنی سرقت ایدن سبزہ جی  
اقتیمک اوچ ماد حبسنه وختام مدتده ضابطه جه کفالتہ  
ربطنه

اجرای وظیفه حائسده پولیس چاوشی احمد  
رفتت افندی بی تحقیرایدن الماطاغنده نعلند زقاغنده  
ساکن اراہہ جی آرشاقدن بر بچق آلتون جزای  
نقدی آلمسنه

خاصکوبلی آورامک میشون مؤیس ولد ایساقک  
البسه سنی طولاندیردینی ثابت اولدیغندن اوچ ماه حبسله  
برلیرا جزای تقدی اخذیلہ والبسه نک ده صاحبہ رد  
واعاده سنه

صالحه طومروقلی ترزی یریکلی بی ضرب ایدن  
خاصکوبیده جیق صالده ساکن پروکار آرتین ایله  
تیورجی اونیکک برهفته حبسلرینه

تلغراف مأمورلرندن رفیق افندینک کیجی علی بی  
ضرب وجرح ایلدیکی اصولاً ثابت اولدیغندن افندی  
مومی الیهدن ایکی آلتون النوب مضروبہ اعطاسنه

اجرای مأموریت حالده دولکر یورکی بی ضرب  
وتحقیر ایلدیکری ثابت اولان پولیس مأموری محمد  
وخالد افندیلرک یکریمی کون حبسلرینه

عمله دن ولی بی ضرب ایلدیکی ثابت اولان قزل  
طوبراقده ساکنه حسن افندی زوجہ سی ثروت خاتمدن  
بر آلتون آلتوب مضروبہ اعطاسنه

ارن کوبنده ساکن مالتپه لی قوچو ولد مارقونک  
رنجیر علی بی ضرب ایلدیکی ثابت اولدیغندن مرقوم  
قوچودن بر آلتون الہرق مضروبہ اعطاسنه

بلغورلیده مقیم آراہہ جی حسن بن محمدک احمد  
چاوشی ضرب ایلدیکی تحقیر ایتمسندن مرقومدن  
بر آلتون آلتوب مضروبہ اعطاسنه

اجرای وظیفه حالده پولیس مأموری شریف  
افندی بی تحقیر ایدن قرین آبادلی آراہہ جی احمد بن  
حسنندن بر آلتون جزای تقدی آلمسنه

چوبان میناسی ضرب ایلدیکی اصولاً ثابت اولان

چاملیجہ ده ساکن نوشهرلی عثمانک برهفته حبسنه  
چنککل کوبلی بانجی عبداللہک خلاف تنبیہ سلاح  
انداخت ایلدیکی ثابت اولدیغندن مرقومدن بشلک  
جزای تقدی اخذیلہ یکریمی درت ساعت حبسنه

شین قره حصارلی رنجیر احمد بن علینک اسماعیلی  
ضرب ایلدیکی اقراریلہ ثابت اولدیغندن اون بش کون  
حبسنه

بربر حاجی محمدہ اطالہ لسان ایدن قوجہ مصطفی  
پاشالی حاجی محمد بن حاجی ابراہیمدن برلیرا جزای  
نقدی آلمسنه درسعادت ، بک اوغلی واسکدار بدایت  
محاکمی جزا دائرہ لرنجہ حکم اولمشدر .

## اعلانات

### تجارت بحریہ محکمہ سنده :

درسعادتده مارپوشجیلرده چارشولی خاندہ ساکن  
ایکن تجارت بحریہ محکمہ سندن افلاسہ حکم اولمش  
اولان مؤینز ایلیاقوهن شرکتک خصوصات افلاسہ  
سنک رؤیت وتسویہ سی ضمنده دعوی وکیلرندن  
شمعون لوی ویرام اوغلی الکساندر افندیلر اصالة  
سندیک تعیین قلمش اولدقلرندن مفاس مرقوم ذمتده  
آلہ جنی اولانلرک قانوننامہ تجارتک ۱۹۹ و ۲۰۰ نجی  
مادہ لری موجبہ تحقیر دیون ایچون تاریخ اعلاندن  
اعتباراً یکریمی برکون ظرفده سندانی محکمہ کاتبہ  
تسایم ایملری ومدت مذکورہ ختامندن صکرہ اوچ  
کونده یعنی نیسانک اون سکرنجی پنجشنبہ ویکرمنجی  
جمعه ایرتسی ویکرمی ایکنجی بازار ایرتسی کونلرندہ  
تجارت بحریہ محکمہ سنک افلاس اوپه سنہ کلہ رک سندیک  
افندیلر مواجہہ سنده آلہ جق لرینی اثبات وقید وتصدیق  
ایتدیرملری ومدت مذکورہ ده اثبات وجود ایدہ میان  
آلہ جق لیلر حقندہ قانون مذکورک ۲۱۰ نجی مادہ سنہ  
توفیقاً معاملہ اولنہ جنی اعلان اولنور .

### ایکنجی محکمہ تجارت سنده :

غلطه ده قله قپوسنده یازنجی زقاغنده کی مغازده ده  
تجارتلہ مشغول ایکن ایکنجی محکمہ تجارتدن افلاسہ  
حکم اولمش اولان اورام حانانل ذمتده الہ جنی  
اثبات ویا موقتاً قبول وقید ایتدیرمش اولان الہ جق لولرک  
قانوننامہ تجارتک ۲۱۱ وانی ولی ایدن مادہ سی  
موجبہ مفاس طرفندن تکلیف اولنہ جق قونقوردا .  
تونک مذاکرہ سی ایچون نیسانک اوچنجی چهارشنبہ  
کوننده محکمہ مذکورہ نک افلاس اوپه سنہ کلری  
اعلان اولنور .  
ژورقومیسر

### اعلانات شرعیہ اصرا دائرہ سنده :

متوفی محمد رشید یاشانک مخدومی حمدی بکک  
سعادتلو محمد نورالدین بک ذمتده اوقاف هایون  
مفتش لکندن اعطا قلنان بر قطعه مقتضاً اعلامی  
موجبہ آلہ جنی اولان مبالغ معلومہ نک تأمین  
استیفاسی ضمنده مرهون وفروختی محکوم بولنان  
قرتال قضاسنه تابع نردبان قریہ سنده سحرای جدید  
نام محله واقع زمینی مهرماه سلطان وقفہ مقاطعه لی  
یدی نومرو ایله مرقم آروجه سلامتی ومشمولات  
سائرہ معلومہ بی حاوی براب کوشک ایله تخمیناً سکر  
بچق دونم مقدار اشجار مشمره وغیر مشمره وکرومی  
مشمعل برقطعه باغ بوندن اقدام لدی المزایدہ لیرای  
عثمانی یوز غروشندن قرق بش بیک غروش بدل  
ایله طالبی اوزرنده تقرر اتمش اولدیغندن یوزده بش  
ضمیلہ بوندن دها زیادہ طالب اولانلرک اشبو تاریخ  
اعلاندن اعتباراً اوتوز برکون ظرفده اعلانات  
شرعیہ اجرا دائرہ سنہ مراجعت ایملری اعلان اولنور .

### محکمہ تجارت اصرا دائرہ سنده :

جریدہ محاکم عدلیہ نک ۳۰ کانون ثانی سنہ ۳۱۷  
تاریخی و ۳۶ نومرولی نسخہ سنک دردنجی صحیفہ سنده  
مندرج اعلاناتده عزتلو علی کالی افندی بہ مدیون  
اولان اغنام تجارتدن احمد اغانک تعللی مسجد محلہ  
سندہ کلخن زقاغنده ایکی نومرولی مع مشتملات  
کارکیر براب خان ایله اتصالده واقع سکر نومرولی  
مقدما مطبعہ والیوم اوتل و آلتندہ کائن ایکی نومرولی  
قهوه خانہ دروننده مستقر بربر کدکنک ربع حصہ  
لریلہ مذکور اوتل آلتندہ مرانغوز دکانی دروننده  
مستقر آشجی کدکی ربع حصہ سنک تاریخ اعلاندن  
اوتوز برکونہ یعنی شباطک یکریمی ایکنجی کونی ساعت  
اونہ قدر مزایدہ سی اجرا قلنہ جنی کوسترلش ایسده ده  
مذکور اعلاناتده نک غزته یہ درجی دائرہ اجراجہ  
تأخر اتمش اولمشندن طولانی تاریخ اعلان اولان  
۳۰ کانون ثانی سنہ ۳۱۷ تاریخندن شباطک یکریمی  
ایکنجی کونی آرسندہ اوتوز برکون مدت اولیوب  
یکرمی اوچ کون اولدیجی عندالتدقیق آکلاشمسنه  
مبنی مدت معینہ قانونیہ اولان اوتوز برکونک اکالی  
ایچون صوک مزایدہ نک نیسان رومینک یدنجی  
بازار کونی املاک مذکورہ پیشکاھندہ اجرا قلنہ جنی  
ویوم مذکورہ قدر یوزده بش ضم قبول اولنہ جنی  
محکمہ تجارت اجرا دائرہ سندن تصحیحاً اعلان  
اولنور .